



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

71. Primvs Mercator non admonetur restitutionis faciendæ à Confessario,
non tamen idcirco iste ad illam obligatur.

urn:nbn:de:hbz:466:1-40942

dem realiter, sed obiectiuè. Atque ex his patet ad rationes in oppositum.

LXXI. Primus mercator inter alia accusat se in confessione de rebus iniquè acquisitis. Primianus Confessarius hortatur ipsum ad vitæ emendationem, nullaque aliâ restitutione impositâ absoluuit ipsum. Quæritur. Virum Primianum teneatur ad restitutionē ex eo, quod ad hanc faciendam non coegerit Primum pœnitentem?

Videtur teneri. Ita Molin. P. Nauarr. L. 3. cap. 4. n. 125. & apud hunc alij. Ratio est, quia Confessatio incumbit ex officio onus docendi necessaria pœnitentem. Ergo cùm non admonet pœnitentem, facit contra officium, & consequenter ipsi tanquā veræ cause imputanda sunt damna.

Resp. Probabilius esse, Primianum, etiamsi eo officio confessionem excipiat, non esse obligatum ad restitutionem, dum non admonet, vel non cogit Primum pœnitentem ad eam faciendam. Ita Valent. Azor. Suar. Reginald. Sanch. in sum. L. 1. c. 6. num. 5. & l. 2. cap. 12. num. 23. Less de Iust. cap. 13. num. 78. Hurtadus de Iust. & Iure D. §. diff. 10. Caspensis Tom. 2. Tr 8. D. 1. sect. 9. §. per totum. & alij. Ratio est. Tum quia Confessarius non teneatur ex officio & iustitiâ prospicere bonis temporalibus aliorum, sed bono Spirituali pœnitentis. Tum quia contraria sententia in praximis difficilis foret.

Atque

Atque ex his patet, quale onus Confessario incumbat. Hoc dederimus cum Lugone D. 19. de Iust. num. 35. Confessarium teneri ad restitutionem, si omissio & negligentia eius habeat rationem Consilij, quia sic consulens est causa iniusta damni; ut tamen sit grauis obligatio restituendi, consilium etiam moraliter culpabile esse debet.

LXXII. Probus ex insigni affectu erga animas in piacularibus flammis detentas, indulgentias, quas vivis concessas lucrari studet, perinde illis applicat, ut alia pietatis opera, iejunia, disciplinas &c. Quæritur. Vtrum facere id vi indulgentiarum posse?

Videtur id posse. Ita P. Georgius Gobat in thesauro Indulg. L. 2. c. 21. q. 61. n. 466. Tum quia nullum ius vel divinum, vel Ecclesiasticum id vetat. Tum quia utiliter id practicatur. Tum quia possum applicare animabus alias meas satisfactio[n]es. Ergo & indulgentias.

Resp. Probum facere illud non posse. Ita communissima DD. sententia apud Dicastilio. Tom. de p[ro]nunt. Tr. 9. D. 2. n. 225. Ratio est. Tum quia Indulgentia pendet non minùs à voluntate concedentis, quàm ab illius auctoritate. Ergo alteri applicari nequit, præter eum, cui ipse concederit. Tum quia forma concessionis pro vivis excludit defunctos, cùm fiat per modum remissionis & absolutionis,